

Maart 26, 2019

www.awemainta.com

www.facebook.com/awemainta

noticia@awemainta.com

583-1400



# AWEMainta

**15**  
año

## Spirito of mal chauffeur pa Rooi Frances

DIALUNA maina a sosode un accidente di auto riba e caminda di Rooi Frances pa Sabana Basora. Tur si man tin accidente na e mesun area. Mayoria di accidentenan tabata SUV cu a bolter. Tabata tin hasta accidente cu hende herida. E biaha aki no tabata tin herido pero si daño material. E autonan ta accidenta nan so, locual ta nifica cu e chauffeur ta haciendo un mal manobra den e caminda di Frances Pas, of ta spirito? Hecho t ata basta accidente y daño material tabatin e aña'ki. Den e accidente di awe mainta tabatin un mucha chikito den auto cu a sali ileso.



**INVEST  
SECURE**

*We don't just say it ... We Guarantee it !!!*

**ASIS**  
INTERNATIONAL

Advancing Security Worldwide®

*Your security protection  
partner since 1996*


Tel: 582-7252

Everyone deserves a safe place to work,  
live and play.



## Feria di ciencia exitoso

Pagina 16



Awe t'e D-Day pa Lotto

## Lotto pa Deporte awe lo cambia su bida



**REDACION** di AWEMainta a tuma contacto cu e Director suspende Di-Stefano Wernet pa puntre su comentario pa loke ta trata e retirada (exodus) cu ta tumando lugar den e Hunta di Supervision di Lotto. El a prefera di no duna comentario, pero como hende semper el a traha a basa di e principio di "People Builder" y no "Who is the Boss". "Ami sigur no tin ego di ta tata di Tarzan".

Tambe a puntra Wernet tocante e posibel investigacion di Algemene Rekenkamer di Aruba (ARA) na Lotto, basa riba e fianza cuantioso di Afl 17 mion cu Gobierno di Aruba a duna Lotto y su reaccion tabata: "Be my Quest". E prome pago riba e fianza aki cu t'e suma di Afl. 1.133.333 ta vence dia 27 juli 2020.

Dor cu redacion di AWEMainta a tuma nota di un carta fecha dia 7 di september 2018 den cual gerencia di Lotto a entrega oficialmente n'e Presidente di Hunta y ex Tesorero di Lotto Silvio Janga e cuenta anual 2014 pa por wordo termina, a puntra Wernet con a para cu e relato aki su contesta tabata hopi cortico, please puntra Janga.

Rumornan di caya ta indica cu pronto un otro miembro di Directiva di Lotto, esta Flavio Faneyte, un supervisor na Elmar, tambe lo anuncia su retiro inmediato for di Lotto. Ta keda awor e pregunta misionario ta ken ta bay sigi?

Aworaki Lotto ta buscando miembronan nobo den directiva cu un corazon sincero pa deporte. Manera ta conoci caba cu awe diamars dia 26 di maart 2019 lo tin e sentencia *final* den Corte di Apelacion (*Hof*) den e caso entre Gobierno di Aruba, (lesa: Ministro di Deporte), vs Fundacion Lotto pa Deporte bao presidencia di Silvio (*Fio*) Janga.

By the way, na Camara di Comercio di Aruba, e meneer aki Flavio Faneyte ta registra tambe como miembro den e Directiva di e Fundacion di Sportsubsidiecommissie (Stichting Sportsubsidie Aruba). Kisas aki tambe por papia di un otro conflicto di interes den Lotto.

Redacion di AWEMainta ta haci un apelacion grandi na Corte Superior di tres Huez (husto) pa duna un sentencia awe diamars awor 26 di maart 2019 y cu e berdad husto sali victorioso na bienestar di deporte di Aruba.

E caso aki di apelacion ta Gobierno di Aruba, (lesa: Ministro di Deporte), contra e miembronan actual di Hunta di Supervision di Lotto, esta Silvio Janga, Flavio Faneyte, Elias Kock, Antonius Kamperveen y ex miembro Benvinda de Souza. Tur e personanan aki tin mas cu 8 aña den e den directiva di Lotto.

E statuto anterior di 2005 di Lotto ta stipula bon cla cu e termino maximo pa keda den Lotto ta 8 aña.

Ta parce casi sigur cu e dirigentenan aki lo haya un blackout despues di e sentencia di Corte di Apelacion.

Aruba lo sigui aplica ley, e.o. LTU, pero

# No por permiti pa tur hende drenta, pasobra Aruba mes ta limita

Pueblo mester determina unda nos kier bay?

TIN un grupo grandi di Venezolano cu ta deteni pa Warda nos Costa y nan kier cuminsa hasta cu un welga di hamber. Tin di nan tin varios luna “deteni” y Gobierno no ta duna nan contesta riba p.e. cu tin di nan cu tin peticion pa haya status di refugiado, pero te awe nada.

Tin di nan ta bisa di a drenta legalmente, pero a haya status di ilegal, dor di e propio Gobierno na mando.

E grupo aki tin un vocero, kende tambe ta Venezolano, Inaica Sanchez a bisa cu e prome preocupacion cu nan tin ta, cu fronteranan ta sera, pero di banda di Gobierno di Aruba, nan no ta hayando reaccion. Esnan cu ta deteni, Gobierno ta violando varios tratado, na cual Aruba tambe ta mara.

Si nan no haya reaccion, varios di nan kier bay den un welga di hamber pa hala atencion, no solamente di Aruba, pero tambe na nivel internacional.

E vocero ta aplica p’esnan na Aruba haya mesun trato cu Gobierno di Corsou a duna tambe un grupo di Venezolano, cu a drenta ilegal. Pero for di Corsou nos a haya informacion cu Corsou no a cambia nada den nan maneho. Si a laga algun di nan den libertad, semper y cuando cu nan mester raporta nan Imigracion.

## TRUDY HASSEL

A haya Trudy Hassel, Hefe di Warda nos Costa a cuminsa na bisa cu nos tur ta na altura di e situacion penoso cu tin na Venezuela. Pero nan como Departamento di Imigracion, nan tin cu proteha nos pueblo tambe y e.o. cu ley di LTU.

Aruba ta cumpliendo cu Derecho Humano y e Tratado di Asilo. Pesey tur loke ta ser bisa, mayoria di nan no ta cuadra cu e berdad.

P.e. di “luchten”, tur persona ta haya oportunidad di por combersa y ta haci esaki den espacio cu airco. Nan ta hasta wak television y tin oportunidad di huma, ta haya nan cuminda etc. Kier men, maltrato no tin. Pa loke ta trato medico, e dokter conserni ta bishita esun cu ta malo. Si dokter no por bin, ta mand’e cu ambulance pa hospital. Tur esaki riba gasto di Gobierno.

Berdad ora di bishita, no por permiti tur hende y asina a permiti 2 persona pa cada detenido.

No tin hende sera, cu ta na estado, pero a duna nan meldings-plicht, pero no tin ningun hende na estado sera.

Ta bon pa clarifica cu Warda nos Costa no tin ningun mucha sera, segun Trudy Hassel. Warda nos Costa no ta traha ley, pero esnan responsabel mester cambia ley, pa determina cuanto hende por permiti pa drenta. Ki consecuencia Aruba lo tin su habri porta pa tur hende. Bunita pa papia di Derecho Humano, pero Aruba ta cumpli cu tur regla den margen di ley y te cuanto hende por permiti pa drenta Aruba.

Hopi di e Venezolanonan aki, ta bisa cu nan a pidi pa Asilo Politico, pero esey mester ser pidi na entrada, no ora cu nan a ser descubri di ta ilegal. Lamentable ta, cu tin Arubiano cu ta abusa di e hendenan aki, cobrando nan placa, cu masha promesa y no tin garantia cu nan peticion pa asilo lo wordo otorga. No ta na Warda nos Costa, pa duna Asilo. Si ta ser evalua, cu esnan cu pidi Asilo pa laga nan den libertad, mientras ta warda nan resultado di nan peticion.

Si nos kier sigui goza di e Aruba cu nos conoce, no por permiti pa nan tur drenta. Pasobra lo no tin cama pa tur hende y no tin trabao pa tur hende tampoco. Unda nos kier bay, un pregunta esencial pa nos tur.

Mester bin cu un Plan Nacional di Prevencion di Salud si mira cu

## Costo pa dialyse un pashent, ta costa 100 mil florin pa aña



**AYERA** mainta Minister di Salubridad Publico sr. Dangui Oduber a haci apertura oficial di e workshop di PAHO (Pan American Health Organization) hunto cu DVG (Directie Volksgezondheid) cu ta dirigi riba un Plan Nacional di Prevencion.

Tur stakeholders concerni tambe ta presente n'e workshop aki cu lo dura 2 dia y lo enfoca riba malesanan di NCD's (non-communicable diseases).

Minister Oduber den su presentacion a papia un tiki riba e datonan cu el a ricibi den su encuentro cu e nefrologo na Aruba na aña 2018. Segun e mandatario e datonan a lagu'e den shock, esaki debi cu 16.2% di Aruba su poblacion ta sufri di diabetes y esaki ta casi dos biaha mas tanto cu e porcentahe global di 8.3%.

Un otro dato cu a capta e Minister su atencion t'e datonan di dialyse cu tambe ta a consecuencia di e malesa di diabetes.

E mandatario a duna di conoce cu 1 pashent di dialyse ta costa AZV 100 mil florin pa aña, na Aruba actualmente tin 200 pashent y e cifra ta aumenta cu 24 pa 30 pashent pa aña. Aki ta papia di un costo anual pa AZV di 20 milyon florin na dialyse solamente.

Mas aun e cifranan di morto ta muestra cu e causa principal di morto prematuro ta relaciona cu malesanan di NCD's manera cancer, diabetes, cardiovascular, stroke y respiracion cronico.

E mandatario a splica cu su vision ta pa promove un miho cuida medico pero tambe un mihor calidad di bida p'e poblacion di Aruba. Pa realisa e vision aki ta importante pa bin cu un Plan Nacional Preventivo riba e NCD's.

Pa añanan nos sistema di cuida medico ta inverti den medicamento y e costo di esaki ta keda aumenta mas y mas.

Y esaki ta un otro motibo pakico e Gobierno aki ta compromete su mes na duna atencion real na e parti preventivo, asina e Minister a trece dilanti.

Pa prome biaha den historia di pais Aruba un Plan Nacional di Prevencion di Salud ta wordo traha. Un plan cu enfoca riba e malesanan di NCD's, un programa pa Aruba cu sosten di PAHO. E meta tras di e plan aki ta pa preveni e malesanan aki p'asina a lo largo por baha gastonan di AZV considerablemente.

Minister Dangui Oduber a gradici e delegadonan di PAHO, dr. Taraleen Malcolm, dr. Karen Pierre, ms. Nicola Taylor.

Tambe e Minister a gradici su departamento cu ta DVG y tur stakeholders cu a atende e workshop. E mandatario a expresa cu e ta sumamente satisfecho di por a cumpli cu un otro punto den e programa di gobernacion.

# Minister Glenbert Croes a topa cu Unicef Hulanda

NA momento cu Aruba su crisis social a explota y bira visible pa tur hende, Minister Glenbert Croes a yama e sector hunto pa nan bin cu un plan di accion pa cu nos problemanan social.

Awe nos tur conoce Aruba su crisisplan social (SCP) cu mientras tanto ta den pleno ehecucion. Manera ya ta conoci, Minister Glenbert Croes conhuntamente cu Sra. Glenda Hernandez kende ta directora di Departamento di Asunto Social, a logra haya ayudo financiero y asistencia tecnico for di Gobierno di Hulanda y Unicef respectivamente.

Aña pasa augustus, Unicef a bin Aruba pa haci un quick scan di e SCP cu por cierto a haya e aprobacion di e instancia internacional aki. Cu e aprobacion aki, SCP a drenta su fase di ehecucion.

Comienso di e luna aki e prome raportahe a tuma luga. Bintidos stakeholder den sector social cu ta integra den e SCP a haci entrega y presentacion di nan raportahe na e Comision di Supervision cu ta presidi pa Sra. Sue Ann Ras.

Durante e dianan intensivo aki, Unicef tambe a forma parti activo di e comision. Nan presencia tabata pa midi e efectividad di e SCP den practica. A base di esaki, Unicef aki na Hulanda a presenta na Minister Glenbert Croes nan recomendacionnan pa añadi na e SCP pa por garantiza cu e efecto y resultado bira mas amplio y duradero. Aki ta unda cu na su turno e mandatario a vocifera di lo kier sigui conta cu apoyo y sosten di e experticio di Unicef riba e tereno aki.



## Island States/Island Territories

### 'Sharing Stories of Island Life, Governance and Global Engagement'

Venue : **University of Aruba**

26-29 March 2019



Learn more  
[www.ua.aw](http://www.ua.aw)

Rocco Tjon, lider di fraccion di MEP:  
**Miembronan di Intern  
 Bijstandsteam, K9  
 y BOT a haya nan  
 pago retro-activo**



DURANTE presupuesto 2018, sr. Rocco Tjon, lider di fraccion di MEP, a entrega un amienda p'asina aloca fondo pa Intern Bijstandsteam haya e pago cu nan tin derecho riba dje for di 2013.

E team aki a wordo lanta na aña 2013, su miembronan ta trahadornan di KIA y CEA y tur ta certifica. Pa por forma parti di e team aki bo mester pasa un training pisa y pasa un "opleiding" di algun siman.

Nan ta un team di balor agrega pa Husticia completo y nan ta yuda garantisa orden y trankilidad na KIA, Centro Orthopedagogico y Centro Sero Colorado.

Ademas tambe nan ta haci trabounan di transporte di detenidonan peligroso y razianan den KIA, segun Rocco Tjon.

#### AMIENDA 19 APRIL 2018

Miembronan di e team aki tin derecho riba un toelage y esaki conforme consejo di departamento di Recurso Humano. Gobierno anterior a keda sin ehecuto e aspecto aki y asina for di 2013 e miembronan ta en espera di haya e pago aki.

Rocco Tjon mes como director di KIA na aña 2016 y 2017 a entrega diferente carta pa percura p'e miembronan haya nan pago.

Conforme e maneho di Gabinete Wever-Croes, pa inverti den departamentonan y nan personal, e amienda aki a wordo entrega y siman pasa e miembronan di e team aki a haya nan pago.

#### PA CONCLUI

Aworaki recursonan limita, mirando e situacion financiero precario, ta wordo inverti den e departamentonan y su personal. Un otro ehempel t'e aumento di e suma di "maaltijdbonnen" pa personal.

**BO MESTER DI WASTE BUCKET RESIDENCIAL OF COMERCIAL?**

**ecotech**

**YAMA**

**Mr. Bucket**

594-3757  
mrbucket@ecotech.aw

20 yrd Big Bucket

15 yrd Junior Bucket


10 yrd Small Bucket

#### TA HUUR

Apartment Sala, Comedor,  
 Camber, Banjo y Patio, 84m2,  
 Entrada Privada.  
 Huur Awg. 800.00 exl.  
 awa/coriente.  
 Borg apart, max 2 persona  
**NO PETS.**

Banda di Flora Market  
 Info jama 594-3194

## Den caso penal di morto di Sky **No tin rapport medico den PV**



Diabierna ultimo durante tratamento di e caso penal contra e grupo di hoben cu tabata involvì den e tiramento cu a costa bida di e conocido vagabundo SKy.

Loke cu a hala atención durante tratamiento di e caso, tao r acu Fiscal a menciona cu den e Procesverbaal no tin ningun documento medico. Tempo cu e cos a sosode tabata papia cu Sky a nenga di ricibi tratamiento, pero atrobe, for di e Procesverbaal no por saca esaki afo. Solamente OM sa cu el a wordo tira, y transporta pa hospital y despues a Sali bek y a fayece riba caya, banda di waf.

No sa nada nada di e momento cu el a wordo alcanza pa e bala te ora cu el a fayece.

Si después cu el a fayece a dicide di haci un autopsia. Aki a constata cu el a fayece di un inspección y cu e tabatin bala di arma di candela cu a keda pega den su curpa intimo. E pregunta cu a wordo haci e ora ey ta, si Sky a nenga tratamiento, e mes ta responsabel pa su fayecimento. Of den otro palabra, si el a haya of tuma tratamiento, e lo a keda na bida? Pa OM esey no ta importante. Importante ta e hecho cu el a wordo tira y sin esey e lo no tabatin mester di tratamiento y e lo tan a vida.

# Calculacionnan economico robez a influencia futuro di Aruba grandemente

**RIBA** 8 di maart ultimo e noticia a bin afo cu Central Bureau voor de Statistiek (CBS) a yega na cifranan economico mucho mas miho di e periodo 2013-2017 cu loke Banco Central tur e tempo a mantene. E presentacion di e situacion segun CBA no tabata cuadra en absoluto cu e situacion real di e periodo di gobernacion di Gabinete Mike Eman II. Cu esaki e calculacionnan hopi for di base a influencia e periodo aki den forma negativo, a habri caminda pa Hulanda por a entremete y forsa binimento di CAFT. Pero mas ainda e cifranan aki a influencia e eleccion di 2017 den forma negativo.

Riba 8 di maart CBS a publica e tabel 'GDP 2013-2017'. Den un reaccion riba e publicacion aki CBA ta bisa di ta contento cu CBS a start bek cu publicacion di cifranan. Tambe CBA ta admiti cu e cifranan ta otro cu di nan y cu CBA ta bay ahusta su cifranan. Ki dia esaki lo sosode, no ta conoci. Un comparacion di cifranan di Central Bureau voor de Statistiek cu esnan di Banco Central Aruba ta algo asombroso.



Ta resulta cu tur e tempo (2013-2017) CBA a indica cu e relacion di debe nacional cu e Bruto Binnenlands Product (GDP) tabata 10% mas malo. Esaki kier men cu den terminonan estadistico, CBA a bin cu un presentacion di cifra totalmente robez, loke ta hopi cuestionabel. Awor ta resulta cu economia di Aruba a draai masha bon mes den e periodo ey y cu nunca tabatin un 'megadebe'.

Door di a publica calculacionnan hopi leu di realidad, a influencia grandemente futuro di Aruba. E cifranan aki a crea un esfera negativo y riba dje a duna Hulanda argumentonan pa prome introduci supervision y despues CAFT. E ambiente negativo aki tabatin tambe influencia grandi riba e decision di e votado eleccion pasa.

Gabinete Mike Eman II a bay y Gabinete Wever-Croes a tuma

over y den menos di dos aña di gobernacion a percura pa Aruba a bay den un recesion cu a conduci na tur sorto di medida cu ta dal e pueblo den forma duro. Tur esaki pasobra a pinta un situacion negativo, mientras cu awor ta resulta cu e situacion economico tabata totalmente otro.

E pregunta ta keda con cosnan por a bay tanto robez y ken ta responsabel pa e fayto aki.

**Are you ready to be part of something bigger?**

We are currently looking for engaging and enthusiastic individuals to fill our

**Barista and Part-time Barista**

roles at Starbucks Paseo Herencia and Starbucks Marketplace.

Send your application, CV and other relevant documents to: [employment@arubarenaissance.com](mailto:employment@arubarenaissance.com) or pass by the

Human Resources Department to fill in your application. Tel: 5836000

## Op=Op na Aruba y Corsou ta keda habri



**DIALUNA**, 25 di Maart a wordo anuncia cu Op=Op na Hulanda lo bay bancarota. Op=Op Aruba y Corsou no ta afilia di ningun manera cu Op=Op na Hulanda como cu e frankisia aki tin otro inversionista na ambos isla. Pa e motibo aki e kiebro no ta aplica pa e sucursal nan local.

E motibo di e kiebro di e frankesa Hulan- des tin di haber en particularmente cu e huur sumamente halto cu a wordo estableci pa un periodo largo cual ta haci cu algun di e 130 tienda nan no por cumpli cu e suma halto aki.

E expectativa ta cu e frankesa lo cuminsa di nobo den un escala mas chikito. Den e proximo luna nan lo bin na cla con Op=Op na Hulanda lo continua; mientras tanto e tienda nan lo permanece habri.

Ta importante pa enfatisa cu e situacion na Aruba y Corsow no lo cambia na e momento aki. E tienda nan lo sigui ofrece un variacion di marca nan renombra na e mi- hor prijs cu e team existente di Op=Op. Op=Op Voordeelshop tin 3 tienda na Aruba y 1 na Corsou.



Ministro di Husticia ta anuncia cu entrante **27 maart 2019** segun Ley di Molestia, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion y anexo cu a ser haci pa **instalacion di gas di 100 galon na Washington 30-C**. Durante dicho periodo aki tur hende por expresa por escrito nan obhecion contra dunamento di e permiso menciona, dirigi na e Ministro di Husticia, via director di Departamento di Legislacion y Asunto Huridico, Schotlandstraat 53.

## Prome Minister Evelyn Wever-Croes satisfecho Confiansa di consumidor a mehora



### Confiansa di consumidor ta mehora

Comunicado di prensa<sup>1</sup>

27 di februari, 2019

Sentimento di consumidor a mehora den e ultimo trimester di 2018, resultando den un Indice di Confiansa di Consumidor di 97,0, un aumento di 2,7 punto di indice compara cu e periodo anterior, segun e ultimo resultadonan di e Encuesta di Confiansa di Consumidor (CCS)<sup>2</sup> di Banco Central di Aruba (Grafiek 1)<sup>3</sup>.

Grafiek 1: Indice Confiansa di Consumidor



<sup>1</sup> E original na Ingles ta prevalece.

<sup>2</sup> A haci un revision tecnico ariba e Indice Confiansa di Consumidor

<sup>3</sup> E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo na Aruba. Entre 100 y 110, e indice ta muestra un situacion di optimismo den pensamiento di consumidornan.

J.E. Irausquin Boulevard 8 P.O. Box 18 Oranjestad, Aruba Tel. nr.: (297) 525-2100 Fax nr.: (297) 525-2101  
E-mail: cbaau@setarnet.aw Website: www.cbaruba.org



**DEN** e publicacion recien di Banco Central tocante e Confiansa di Consumidor, Banco Cental ta inica cu esaki a mehora den e ultimo trimester di 2018.

Esaki segun e ultimo resultadonan di e Encuesta di Confiansa di Banco Central di Aruba.

E Indice di e Situacion Actual tambe a mehora den e ultimo trimester di 2018. Consumidornan tabata positivo riba nan situacion personal financiero actual, como cu e indice aki a bira optimista.

E Indice di Expectativanan ta esun cu a mehora mas hopi den e trimester bou di revision. Consumidornan tabatin expectativanan positivo riba nan situacion personal financiero, como cu e indice aki a bira optimista y 41,6% di respondientenan a indica cu nan situacion personal financiero lo ta miho den e siguiente 6 luna.

Prome Minister Evelyn Wever-Croes: “Pa Aruba esaki ta un bon noticia pasobra esaki ta muestra cu e consumidor ta hayando confiansa bek. Gobierno di Aruba ta trahando pa tur reto financiero y economic en- contra wordo transforma den solucionnan na beneficio di nos pueblo. Ora cu e consumidor tin confiansa, nos economia ta crece.

Por haya e publicacion completo di Banco Central na e website <https://www.cbaruba.org>.



# 'Kidpreneur\$ With BIG Ideas' cu presentation di SDGs na Traimerdia Noord



E programa 'Kidpreneur\$ With BIG Ideas' di IDEA ta continua e aña aki y actualmente e Traimerdia na turno t'esun na Noord.

Meta di e proyecto aki ta pa duna e muchanan di e klasnan mas halto di scolnan basico workshops pa stimula nan pa pensa riba e posibilidadnan pa bira un futuro empresario.

Parti di e programa di 'Kidpreneur\$ With BIG Ideas' ta pa conscientisa muchanan riba e Metanan Mundial pa un Desaroyo Sostenibel (SDGs) y con pa uza e metanan aki den nan accionnan diario.

Diarazon, dia 20 di maart 2019, e muchanan di 5<sup>de</sup> y 6<sup>de</sup> klas di Traimerdia na Scol Basico Washington, a haya un presentacion di SDGs adapta na nan edad y despues a hunga un wega di mesa crea y diseña pa United Nations Regional Information Centre (UNRIC), conhuntamente cu ELYX by Yak. Di e forma aki nan ta cera conoci cu e enfokenan mundial.

E muchanan a participa activamente, haciendo pregunta y contando ehempelnan for di nan perspectiva.

Tambe e muchanan a haci uzo di nan sabiduria contestando e preguntanan di e wega relaciona cu e tema.

E potretnan adhunto ta ilustra e atencion cu e muchanan tin riba e presentacion di SDGs y con concentra y entusiasmo nan tabata pa por gana e wega.

IDEA lo sigui cu mas workshop n'e Traimerdianan na Aruba pa sigui stimula e Kidpreneurship den nos muchanan. Nan ta gradici sra. Gisela Kadir, beleidsmedewerker di Sustainable Development Planning di Departamento di Asunto Economico, Comercio y Industria, pa facilita e workshop di SDGs na nos muchanan.



**ARUBA**  
Beach Club Resort

**TIMESHARE  
FOR SALE BY OWNER**



**UNIT # 304 – WEEK 32  
1 BEDROOM DELUXE SUITE  
SLEEPS 5 PEOPLE**

- 2 X QUEEN BEDS  
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR  
(BALCONY VIEW OVERLOOKING THE RESORT)

**PRICE: \$5,500**

**INTERESTED PLEASE CALL 583-1400  
DURING OFFICE HOURS**

**AWE** **MINI MEGA MEGA PLUS**

Awo cu 2 florin mas, bo por gana e **MEGA PLUS**

\* Afl. **925.000,-**

\* Afl. 675.000,- + Afl. 250.000,-  
extra

f  
t  
i  
y  
Lotto

## Cachonan specialisa di Aruba, K-9, ta bay entrena cu nan coleganan di afo



E aña aki e Team di Resfuerso y e Brigada di Cacho, BOT-K9, di KIA t'e anfitrión di e entrenamiento internacional "High Risk Deployment K9 Training Week" for di 1 te cu 4 di april 2019.

Esaki ta bira e di 4 aña consecutivo cu Aruba ta organisa e evento internacional aki. Participantenan ta procedente di Hulanda, Australia, Sint Maarten y Aruba.

Di dialuna 1 di april te cu diabierna 4 di april, Aruba ta bay t'e centro di entrenamiento varia. Durante e periodo aki intercambio di conocimiento, experiencia y trahamento den team ta bay ta central. Entrenamiento lo ta tanto den awa como riba tera.

Tambe lo bin cu situacionnan unda mester subi na halto y baha di halto bay abou. Fuera di esey lo crea situacionnan di dificultad unda aresto ta cay.

Tur esaki ta conduci na un siman di entrenamiento intenso, cu su debido reto pa tanto e cachonan como nan lider.

Ademas di esaki, lo duna informacion con ta trata cu cacho den e diferente tipo di riesgo relaciona cu salud di e cacho dependiendo di e clima unda e ta haya su mes. P.e. con ta trata cu un cacho ora e haya un zonnesteek.


Pa habri e siman di entrenamiento, Aruba su BOT-K9 lo duna un presentacion durante e Dog Show 2019 na Rancho Villa Floralina diasabra dia 30 di maart 2019 pa 6'or di atardi.

Aruba su BOT-K9 ta brinda sosten specialisa na KIA y otro partner den ramo di seguridad tanto local como internacional.

Regularmente e grupo aki ta entrena cu diferente unidad di islanan den Caribe, entre nan di St. Maarten, como tambe cu otro unidadnan renombra manera Army Rangers di Merca y Dienst Speciale Interventie (DSI) di Hulanda. Aruba por ta orguyoso di su team BOT-K9 ya cu internacionalmente nan ta gosa di prestigio y ta bon recomenda.

Diasabra 30 di maart

# Earth Hour 2019, ban hunto cambia con nos ta biba



**DIASABRA** benidero 30 di maart lo ta ‘Earth Hour’ 2019. En conexion cu esaki e siman aki kier a trece informacion y crea conscientisacion riba e tema di sostenibilidad.

Earth hour ta un movimiento organisa pa World Wide Fund for Nature (WWF). E evento ta wordo organisa anualmente pa encurasha individuo, comunidad y negoshinan pa paga tur luz (cu no ta esencial) y aparatonan electrico pa un ora, for di 8:30 pa 9:30 di anochi, como simbolo di compromiso na nos planeta.

E movicion a inicia na Australia na aña 2007, for di e tempo ey mas di 7000 ciudad rond mundo ta forma parti di dje.

E tema di e aña aki ta “Change The Way We Live”, caminda cu ta enfoca riba esfuersonan pa cambia e forma cu nos ta biba y pa preserva biodiversidad entre paisnan rond mundo. Cu e meta pa nos cambia nos estilo di bida pa uno mas sostenibel.

Importante pa realisa ta cu tin diferente accion cu por wordo tuma den bo bida diario cu por tin impacto grandi pa mundo henter, y Earth Hour ta un di nan.

Earth Hour t’e muestra di sosten mas grandi mundialmente pa loke ta preocupacion pa futuro di nos planeta.

Manera menciona, tin gran cantidad di ciudadnan rond mundo ta forma parti di e movicion y edificionan hopi conoci rond mundo manera ‘Tokyo Tower’, ‘Empire State Building’ na New York, y ‘Eiffel Tower’ na Paris tambe ta paga nan luznan pa un ora riba e fecha aki.

No tin ningun manera specifico pa celebra e ora, bo por celebra Earth Hour na cualkier manera cu bo kier, bo por mantene simpel, bo por disfruta di un cena cu bela, wak strea, organisa un caminata, of simplemente relaha y reflexiona cu luz paga pa un ora.

Aña pasa Gabinete Wever – Croes a organisa un ora den cual a paga tur luz na Bestuurskantoor y Cocoloshi y tuma un momento pa intercambia ideanan reflexionando riba medio ambiente.

E aña aki lo ta organisando un caminata den Parke Arikok pa profundisa riba e tema. Lo paga tur luz entre e ora di 8or y mey di anochi pa 9or y mey di anochi.

Ministerio di Desaroyo Teritorial, Infraestructura y Medio Ambiente ta encurasha comunidad y negoshinan pa tene cuenta cu e fecha aki y e impacto cu consumo di energia tin riba nos medio ambiente.

## Según Gobierno ArubaDag a kibra tur expectativa na Rotterdam y cu menos gasto



**ARUBADAG** e aña aki a kibra tur expectativa. No solamente a pone un record na e cantidad di participante despues di hopi aña, sino tambe, a reduci costonan pa organisa e evento. Esaki, contrario na e Gobierno anterior, na unda a gasta un cantidad di placa hibando gruponan grandi di amistades y coordinadornan Hulanda, enbes di artistanan.

E Gobierno actual di Gabinete Wever-Croes, pa di dos aña, ta brinda e comunidad Arubano, pero tambe nos Rumannan di Corsou y Boneiro biba na Hulanda un bunita festival pa celebra Aruba su Himno y Bandera.

Un programa cu a cuminsa y a wordo dedica na cultura di Aruba, incluyendo cumindanan y cos dushi tipico Arubano. Tambe tawata tin un seccion cu a duna esnan presente e sentimento di ta den un centro di barío, cu weganan popular conoci y masha gusta na Aruba manera; bula den sacco; core cu webo den cuchara entre otro.

E premionan pa e participantenan tambe tawata un gesto di cariño, nada caro pero bunita, entre otro a duna pandushi na esnan cu a participa y a sa di gana. Tur esaki a duna nos Arubanonan na Hulanda e sentimento cu ta na Aruba mes nan ta celebrando un 18 di maart.

E bandanan tipico tanto di Aruba y Hulanda y e gruponan di baile tambe a contribui grandemente na e sentimento aki. Anochi a cera cu gruponan popular di Aruba y Hulanda cu a pone e publico riba pia pa gosa di forma magno di e celebracion aki.

Minister Plenipotenciario Guillfred Besaril a duna di conoce cu e aña aki, a reduci gasto cu por lo menos 20 % compara cu aña 2018. E meta ta pa otro aña sigui reduci e gastonan mas ainda. Gastonan pa artistanan invita tawata menos cu aña pasa danki na e hecho cu a bin ta traha for di aña pasa september riba e evento. Aki a haya cooperacion di diferente promotornan Hulandes, pues bahando e peso final di e gastonan di ArubaDag pa Gobierno.

Pa loke ta trata prensa, apenas 7 miembro di e gremio aki a ricibi un invitacion pa cubri e evento. Contrario cu loke tawata pasa cu e Gobierno anterior, caminda te hasta prensa skirbi y cierto "Free-Lancers" amigo di nan tabata ricibi invitacion cu tur gasto paga. Pues aki tambe a baha gasto formalmente. Por bisa si cu Prensa na Aruba su interes y importancia cu ta duna na ArubaDag ta hopi grandi, por lo tanto tabata un grupo cu a bini e aña aki riba nan mesun forsa Hulanda pa cubri e evento completo.



ArubaDag no ta un concierto manera a pasa den e gobernacion anterior sino un manifestacion cultural.

Pa cua motibo e entrada a keda na 25 Euro pa persona na porta cu un prebenta na diferente prijs cu tabata menos cu esaki.

Den combinacion cu un mercadeo sumamente agresivo a logra na yena un Ahoy cu mas di 6000 hende cu a bin pa disfruta y manifesta nan amor patrio pa Aruba. Na final ta esnan cu a paga pa dentro, ta esnan contibuyente cu a cubri mayoria di e gastonan di e celebracion di ArubaDag.

ArubaDag ta e celebracion cu Aruba y Gobierno ta brinda na nos hendenan cu ta studia y/of pa otro motibo manera salud of trabou, ta residencia na Hulanda.

Di e manera aki, ta tene nos cultura tur aña den nan mente y curason pa semper nan keda cu e gana di un dia regresa nan pais.

Minister Glenbert Croes:

## Aruba ta eternamente agradecido na tur e Soernan cu a yuda

**DURANTE** su bishita di trabou na Hulanda, Minister Glenbert Croes den su buskeda pa por haya e miho manera con pa soluciona e problemanan social na Aruba, a bay bek den e Aruba di antes unda cu nos tabata conta cu presencia di Soernan masha activo den enseñansa, cuida, deporte y formacion. Y si bo bay bek n'e tempo aya nos tabata un Pueblo cordial, cu tabatin convivencia y compasion cu nos prohimo.

Minister Glenbert Croes a dicidi di bay bishita e Soernan pa personalmente gradici nan pa tur locual cu nan a haci pa nos Pueblo. Na mes momento a busca guia cerca Soeur Helene, Soeur Lenie y Soeur Gemma kendenan tabata mas cu dispuesto pa comparti nan experiencia cu e mandatario. En todo caso e bendicion di nan oracion lo compana nos riba nos mision.

Tabata pa e mandatario un experiencia hopi special di por tabata para na e graf di Soeur Imelda, e Soeur cu a funda Imeldahof.

Cu hopi gratitud, Minister Glenbert Croes a bishita e luga unda Soeur Jose ta dera, kende a traha na Te Aworo y a cuid'e na aña 1966.

“Awe mi a bai Haelen, Limburg pa gradici den nomber di nos Pais, na honor di tur e Soernan cu a yuda nos muchanan, nos famianan, nos Pueblo den añanan '50, '60, '70, '80 y '90 na Aruba. Riba e potret mi ta hunto cu Zuster Gemma, Zuster Lenie y Zuster Helene na kendenan tambe mi a regala un potret di Zuster José kende a cuida mi na 1966. Mi a expresa na nan cu nos deseo ta pa nan bolbe Aruba pa asina Aruba siña conoce nan storia y cu Dios mediante nan historia por ripiti pa nos logra pa Aruba y tur nos yiunan un futuro social nobo usando nan ehempel como inspiracion pa nos mayornan di awe y como inspiracion pa nos tur, pa nos por sigui nan ehempel di FE, AMOR DEDICACION y SERVICIO den atende cu tur e problemanan social cu na Aruba nos ta bibando. Mi a duna nan na honor di tur e Zusteran cu a bin Aruba y e Zusteran di Aruba un GRAN DANKI den nomber di un Pueblo eternamente agradecido”, e mandatario a expresa.

Riba portada un recorrido di Croes su bishita.



Booshi Wever (UPP):

# Mientras ta propaga integridad, Gobierno ta saca un MB sin kenmerk y sin fecha, esaki ta integro?



UPP a tuma nota cu un Decreto Ministerial a keda firma pa 3 Minister, SIN un kenmerk, SIN number y SIN fecha. Con mas AD HOC y sin TRANSPARENCIA un Gobierno por traha?

Of a caso e MB aki ta traha den e “fixing-room” di e Minister di Infraestructura y den pura ta manda esaki pa otro colega firma, ya cu e t’e Minister cu ta “call the shots” y t’e t’esun cu ta “wheel and deal” den e Gobierno aki y defacto ta parce cu t’e Minister Presidente di e Gobierno PORED-mep? Y e Ministernan ta djies firma “bij het kruisje”!

E esencia di esaki ta cu 3 Minister ta firma di un forma obscuro sin tene cuenta cu tur esnan cu ta wordo perhudica y y esaki unicamente pa privilegia famia y amigonan.

Firma un MB sin bay instancianan oficial ta leu di ta un acto “INTEGRO” tog? Kico t’e motibo pa core saca e papel aki den pura y ad-hoc? Ta purba na pasa aki un fastball den pura y mas liher cu ta posibel? Kico por tin di sconde atrobe?

Ta purba na silencia gruponan aworaki cu ta cuestionando e paramento di cobamento, pa despues pasa nan un klap, mientras cu amigo si por sigui coba?

Pregunta: Dicon DOW SI ta keda coba na Gavilan y na Sero Teishi? Y pa colmo ta previlgia un miyonario Venezolano cu si ta sigui tur su operacionnan trankilamente na Sero Cristal y pa pone e cherry riba e bolo e amigo (sponsor) aki a haya un permiso p’e por amplia su operacion na un otro tereno tambe? Sa tin hende tin suerte!, segun Booshi Wever.

Pues e MB pa bay studia henter e aspecto aki di si ta cambia pa cobamento pa importacion ta intenciona pa

kibra companianan chikito ARUBANO y di ARUBIANO pa despues duna monopolio na e.o. e amigo miyonario Venezolano aki? E amigo aki lo t’esun cu lo bay importa santo e ora?

Pues un MB unda e comision cu ta wordo lanta ta “hand-picked” dor di Minister y adelanta nos lo sa kico t’e resultado, beneficiando asina e amigo.

Kibrando e companianan Arubano y duna e amigo aki turcos, lo percura cu e prijs pa e.o. grijs lo por subi pa por lo menos 75 florin pa yarda!! Y kico lo pasa cu otro tiponan di santo, e.o. esun di pleister cu ya ta basta halto caba. Pues prijs pa construccion di un cas lo por subi cu por lo menos un 30% y consecuentemente grondbelasting tambe ta bay subi substancialmente. Y tur esaki pakico? Pa atrobe complace cu sponsor?

Con ta para cu permisonan aki pa loke t’e ROP nobo? Acomoda e persona (sponsor) aki? Un ROP cu porcierto tin hopi critica riba dje.

UPP ta kere cu mester bin regla riba henter e aspecto di cobamento aki, pero tanto con yega n’e conseho como e proceso di otorgamento mester ta cla, habri y transparente pa tanto esnan cu ta traha den e sector aki, como e pueblo en general.

Mientras cu Gobierno su boca ta yen cu e Oficina di Integridad, cu ta dirigi riba controla e ambtenaarnan so, e Kamber di Integridad, cu mester a bin prome, no tin fin di bin ainda! Pakico? Ta mas cu obvio cu ta tarda cu esaki, pa duna e Ministernan tempo pa haci nan cosnan sin cu tin di wordo scrutina p’e kamber aki si al final esaki bin tog! E forma aki di traha ta parce cu den pura kier pasa turcos, p’asina na momento dado “val uit de boot”! Y no wordo controla!

ARUBA, QUO VADIS!!

# Xpresa bo mes

## Kico ta TRAIACION di un pueblo?

### TREASON

**POCO** dia nos por a lesa un corant cu ta carece di tur sorto di credibilidad pa hopi tempo caba, scirbi riba un derecho sagrado di un pueblo cu ta sali y demostra malcontento. E corant cu mester sali na vanguardia di libertad di expresion, a dicidi di skirbi contra di un manifestacion democratico y a tribi di yama e gran manifestacion como TRAIACION.

E berdad ta cu na opinion di mayoria, e corant a bira nada otro cu un garoshi pa gana placa y saca beneficio ora ta cumbini e doñonan. E gran pregunta ta, si esun cu a skirbi e articulo ey ta compronde of sa kico ta e palabra traicion. Pasobra ta imposibel cu un hende cu ta respeta su mes, por sa kico realmente ta pasando cu e pueblo aki.

Otro pregunta ta si e doñonan di e corant aki lo por sa cu tur e MEDIDANAN y prijsnan caro cu tin debi na tur e incremento y subida di prijsnan door di MEPORED, tin e pueblo strangula y pueblo no tin placa den nan cartera pa hiba un bida digno.

Un pueblo cu a keda engaña door di un Gobierno gelapi, un Gobierno di chiripa, cu a dicidi cu nan mester sin ta riba e stoelman di gobernacion pa sigui cu e fiesta di FRIENDS AND FAMILY.

Nan mesun hendenan ta skirbi publicamente, “ban sigui djodjo, awo ta nos beurt di fiesta” na un forma sin berguensa.

**Kico ta traicion cu nan ta referi na dje**

Segun mas dia ta pasa, di bon fuente nos a compronde cu e mesun hendenan aki, a haya EXONERACION / DISPENSACION grandisimo di debe di belasting. Aparentemente nan lo tawatin un debe di mas di 20 miyon florin cu nan mester a paga bek na PUEBLO, cual nunca a sosode y a bay roga Gobierno e tempo ey pa no cobra nan, pasobra lo nan a kibra. Corda a uza e palabra TRAIACION. Na Opinion di mayoria di hende cu sa e BERDAD, esaki bo ta yama traicion.

TRAIACION na un pueblo, ta ora bo ta haya exoneracion di mas di 20 miyon florin na belasting for di un Gobierno, pues bo ta keda SIN CUMPLI CU BO PAIS y awor tin e curashi di grita traicion. Corda e placa cu por a drecha scolnan, inverti den enseñansa, drecha caretera etc y bo no a paga!

Bo mester tin hopi curashi mes pa awe ta skirbi contra esun cu a scapabo. Tin un dicho ta bisa “Ni un cacho ta morde man di esun cu a dun’e di come”.

Cu nan a “yud’e” pa e no bay den kiebra, cu nan a tene piedad di nan, nos no sa si esaki por keda hustifica, pero cu awe bo ta tribi di grita traicion a la grande, bo ta nada otro cu un SIN BERGUENSA sin cuer’i cara.

Corda awe nan t’ey, mundo ta dal buelta y bo diasabra tambe ta yega. Si e articulo aki no ta basa riba e berdad, esun cu e sapato a sirbie por wel di contraresta, e ta su PLENO DERECHO di replica, aunke ora ta papia berdad, miho bo keda keto pasobra mas informacion por sali cu no ta cumbini ni abo ni esnan rond dibo.

# Minister Lampe a bishita feria científico Maria College



**DIABIERNA** 22 di April, Minister dr. Armando Rudy Lampe a bishita e “Science Fair” organisa pa Maria College MAVO. Aki Minister Lampe a pasa na diferente di e standnan y a combersa un rato cu e participantenan. E mandatario di Enseñansa, apesar di un agenda druk diabierna, tawata tin e placer pa pasa y duna sosten na e organisadornan cu ta haci nan maximo esfuerzo unda nan a logra organisa e science fair aki cu exito manera tur otro aña.

Minister Lampe ta pidi apoyo di comercio pa sigui yuda sorto di actividadnan aki, cu sigur ta aporta na enseñansa y na final, Aruba lo disfruta di e fruto di e actividadnan, na unda cu nos profesionalnan di futuro ta wordo crea.



Minister Xiomara Ruiz-Maduro:

## Grupo grandi di Aduanero a ricibi nan promocion



**DIABIERNA** ultimo un grupo grandi di Aduanero a ricibi nan Decreto Gubernamental den cual nan promocion a keda oficialisa. Minister Xiomara Ruiz-Maduro tabata presente na e ceremonia y a hiba un discurso den cual a felicita tur Aduanero pa nan logro individual, cu na su turno ta un logro pa e Cuerpo di Aduana y tambe pa nos Pais. E esfuerzo cu cada un ta haci pa inverti den nan conocimiento ta suma na un esfuerzo colectivo cu ta yuda Cuerpo di Aduana pa por progresa y brinda un bon servicio na comunidad y esaki ta beneficia nos Pais Aruba grandemente. Cu cada promocion, e Aduanero tin un responsabilidad mas grandi pa cumpli cune na beneficio di Cuerpo di Aduana y Pais Aruba. E tabata bunita pa presencia e ceremonia di e cambio di “rangonderscheidingsteken“, epaulet y insinia y e bistimento di bachi di e Aduaneronan tuma lugar door di e director y nan respectivo hefe di departamento. E ceremonia ta refleha e respet cu nos mester brinda na e cuerpo uniforma aki, pero alabes ta corda cada Aduanero riba e responsabilidad cu cada un tin pa demostra respet na e trabao uniforma y na Pais Aruba. Pabien na tur Aduanero cu a ricibi nan promocion y hopi exito den boso posicion di trabao nobo, ta deseo di Minister Xiomara Ruiz-Maduro.

## BON DIA YEN DI ALEGRIAAA!

Skirbi pa Ruth "Lady Ruth" Vrieswijk-Bergen

AHAAAAA! Awe nos relato cu nos impresion di nos Dia Nacional, nos dia di Himno y Bandera. Un dia liber pa relaha y gosa den famia yen di color y alegria !

Aunke nos kebrante di salud no a permiti nos atende na tur e luganan cu nos a wordo invita pa entre otro bay duna un presentacion na un scol algun dia prome cu dia 18 di Maart mes, nos a logra pa riba dia 18 di Maart drop in algun minut na Centro di Bario Noord, na unda nos por a recita nos poema cu nos a gana cun'e na di tercer luga den Poeta Patria. Tawata tin un dushi ambiente cu nan celebracion y aunke nos a drenta sali lihe, nos a sinti e calor di e amor pa nos dia nacional den Centro di Bario Noord. Nos tawata keiro rond den auto cu nos grandinan, nos Payo cu Mayo, mientras nos tawata scucha Radio Bo Guia FM y Radio Galactica 99.9 fm.

Nos a dal un keiro den Sta. Cruz, na unda tur aña tin hopi movicion bunita di e celebracion grandi aki, net un grupo tawata bailando . Nos a dal un keiro banda di e cas di e partido politico AVP, net un cantante cu su cuarta of ta guitarra tawata cantando un bunita cancion di Aruba den nos dushi idioma papiamento. Nos a pasa banda di Fort Zoutman, caminda nos a wordo invita tambe pa recita eynan, pero tawata tin un banda ta toca of ta DJ y nos no kier a laga nos grandinan warda mucho largo den auto - y nos a sigui nos keiromento den auto aki aya.

Un dia prome cu nos Dia Nacional, nos a bishita Plaza Betico Croes, cu nan celebracion cultural, manera ta e customber y tradicion tur aña, e anochi prome cu nos Dia Nacional. Nos a probcha di cumpra algun cos dushi di come y bebe, entre otro, sanger yena, frekedel y juice di awa di lamunchi, juice di tamarein y awa di coco. Lamentablemente e frekedel no tawata mes dushi cu esun di Djiespies riba Diabierna, e tawata tin manera hariña den dje y tawata falta un crenchi pica den dje. Nos mes no por traha frekedel, pero nos ta gusta come si, ta comprendibel cu cada persona ta trahe na su manera y nos no a gusta e manera ey cu hariña den dje. A lo menos asina e tawata smaak, manera cu tawata tin hariña den dje. Nos por a gosa di algun di e cancionnan bunita toca y canta pa e grupo musical Zonido di Antaño y nos a probcha saca algun bunita potret di e ambiente rond di nos, cu algun di nos dushi hendenan. Tur aña e stage ta bira mas y mas moderno, mas y mas bunita cu hopi creatividad. Nos kier a relata tambe un algo di e anochi di e competencianan den Poeta Patria cu a tuma luga na scol di arte den curason di San Nicolas dia 13 di Maart ultimo. Ki bunita anochi bou di strea y luna, caricia pa e biento fresco hasta friu. Ta un of ta dos dia prome cu e "dead line" pa entrega poema, Lady Ruth a inspira algo y a participa cun'e y cu alegria nos por anuncia cu nos a sali na di tres luga cu nos poema : " No bisa mi so, demuestra tambe!" - Nos a have fun participando y nos a recita nos poema cu amor y pasion pa



nos dushi Aruba y su cultura, aunke e curpa no tawata sinti 100 % . Pabien na e otro ganadonan y pabien na e comision organizado cu ayudo profesional di Departamento di Cultura, y "Arte di Palabra" y Caribbean O'neil kitchen.

Un "pluimpje" sigur pa tur e participantenan cu a bini "all out" cu nan expresionnan di amor pa nos dushi Aruba y su cultura. Bunita cu un of dos dia despues nos mes por a wak henter e anochi aki, graba pa e campeonnan di Tele Aruba, manera e cabayero Leo Vrolijk y su team. Shonnan, esaki ta djis un chispa di tur e hopi actividadnan bunita cu tawata tin relaciona , rond y riba nos Dia Nacional. Danki na tur cu a hisa nan bandera na cas of core cu nan banderinnan na nan auto.

Y...pabien tambe na esnan encarga cu Arubadag na nos madre patria Hulanda. Arubianonan cu por ta un crenchi leu for di cas, pero cu nan curason habri pa nos celebracion di nos Dia Nacional.

Pabien Aruba, cu nos por a celebra hunto atrobe !Aruba ta abo y ami, Aruba ta nos !!!



# FCCA a cumpli 40 año di existencia



**DIA** 13 februari 2019 FCCA a cumpli 40 año di existencia y a planea pa celebra esaki durante henter año 2019 cu su clientenan. FCCA tin un agenda hopi extenso

prepara y durante henter año FCCA lo bin ta informa pueblo di esaki. Tur luna FCCA tin diferente actividad planea den e diferente barionan caminda FCCA tin proyecto di cas.

Diabierna 22 di maart FCCA a tene su prome actividad y esaki tabata un torneo di futbol den e proyecto conoci como Bushiri Residence. E torneo aki tabata uno amistoso y tabata entre trahadonan di FCCA y habitantenan di e bario di Bushiri Residence. Por medio di e actividad aki FCCA ta gradici e habitantenan di e bario pa nan sosten y confianza den e fundacion.

Bushiri Residence ta un bunita bario di 198 cas den 18

edificio di 3 piso cada un, cu un infraestructura completamente cla, un oficina pa su “wijkbeheerder”, un parke di recreo pa mucha y un mini cancha di futbol.

E mini cancha di futbol ta wordo diariamente bon uza pa tanto mucha- y hobennan como tambe adolescentenan den e bario. FCCA tambe ta organisa regularmente actividad pa e mucha y hobennan di e bario aki haciendo uzo di e facilidad deportivo aki. FCCA su trahadonan di bario ta uza e cancha di futbol aki como instrumento pa fortifica lasonan di amistad entre muchanan, hobennan y adolescentenan di Bushiri Residence mes como tambe cu e otro barionan caminda FCCA tin proyecto di cas. Cu e torneo amistoso di diabierna 22 maart 2019 FCCA ta demonstra un biaha mas cu e tin e desaroyo y bienestar di su clientenan na pecho y lo sigui traha riba e lasonan di amistad y confianza di nos comunidad.

|   |  |
|---|--|
| # 1 <i>OnLine</i>   |  |
| Tel: <b>583-1400</b>  |  |
| Fax: <b>583-14444</b>   |  |
| Facebook:<br><a href="http://www.facebook.com/awemainta">www.facebook.com/awemainta</a> |  |
| Website: <a href="http://www.awemainta.com">www.awemainta.com</a>                       |  |
| E-mail: <a href="mailto:noticia@awemainta.com">noticia@awemainta.com</a>                |  |

# Ceramento di Caya Jose Geerman en conexion cu trabounan di mantencion



## OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 25 Mar, 2019 EN TOT NADER ORDER

| valuta                            | aankoop van publiek |   |        | verkoop aan publiek           |                  |
|-----------------------------------|---------------------|---|--------|-------------------------------|------------------|
|                                   | bankpapier          | wissels, CHQ's reischeques en overboekingen |        |                               |                  |
| Ned. Antil. Gulden<br>Per ANG 100 | ANG                 | 98.00                                       | 100.00 | biljetten<br>chq./overboeking | 100.20<br>100.00 |
| Amerikaanse dollar                | USD                 | 1.77  | 1.78   |                               | 1.80             |
| Canadese dollar                   | CAD                 | 1.30  | 1.32   |                               | 1.34             |
| Zwitserse frank<br>(per 100)      | CHF                 | 178.98                                      | 179.70 |                               | 180.50           |
| Pond sterling                     | GBP                 | 2.28  | 2.33   |                               | 2.39             |
| Japanse yen<br>(per 10.000)       | JPY                 | 160.16                                      | 161.62 |                               | 163.24           |
| EURO<br>(per 100)                 | EUR                 | 199.75                                      | 201.57 |                               | 203.60           |
| Deense kroon<br>(per 100)         | DKK                 | 26.02                                       | 26.74  |                               | 27.54            |
| Noorse kroon<br>(per 100)         | NOK                 | 19.87                                       | 20.59  |                               | 21.39            |
| Zweedse kroon<br>(per 100)        | SEK                 | 18.29                                       | 19.01  |                               | 19.81            |

DEPARTAMENTO di Obra Publico ta informa pueblo di Aruba en general y specialmente nos automobilistanan cu ta haci uzo di e caminda cuminsando na Caya Jose Geerman nr4 y cabando na Caya Jose Geerman nr6, cu entrante awe 25 maart 2019 e lo ta cera e pa 2 siman. Esaki en conexion cu trabou di mantencion cu departamento di Riolering mester haci.

Pa facilita e trabounan menciona, Departamento di Obra Publico ta haci un peticion na tur automobilista pa no haci uzo di e camindanan menciona y ta pidi pa tene cuenta cu e inconveniencia cu lo por surgi pa cual nos ta pidi nos disculpa.

# Apertura y resultado di Baseball Clasico 2019 pa Ms. Canada's Charity in Aruba



**BASEBALL** Clasico a start diasabra 23 maart den Joe La Veist Ballpark cu Victoria di 12-7 di Salo Park riba New Arrival. Un bon comienzo pa e team di Chebito

Croes cu aña pasa no a conoce Victoria.

Mihor batiadonan pa Salo Park Destroyers tabata: Ferdinand Flanders di 3-3 cual e campeonato ta wordo dedica na dje como e pelotero mas grandi activo den Baseball Clasico. Peter Wever 1-1 y Jose Pina di 2-1. Pa New Arrival a resulta Nelson Moreno 2-2, Dominic Inamorato y JuanArrango di 1-1.

Pitcher ganador Clifford Lacle y Omar Arias a perde.

| Box score   | R  | H | E |
|-------------|----|---|---|
| Salo Park   | 12 | 9 | 3 |
| New Arrival | 7  | 7 | 1 |

Siguiente Marlboro despues di tabata atras 6-2 ta bin gana finalmente 10-7 for di Old Timers. Nos por a wak riba e aliniacion di Marlboro Burger King Sr. Eugene Kingsale cu ta bira un legendario den reino Ulandes como e promer Ex- Big Leager pa milita den un ekipo di Baseball Clasico. (welcome Eugene to our League).

Mihor batiadonan pa Marlboro Burger King tabata Eugene Kingsale y Rudy Angela di 3-2 cada uno y Jimmy Tromp di 4-2.

Pa Oldtimers a destaca cu e bate: Alfonso Stenen, Rolando Vries y Paulus Rodriguez tur di 2-2.

Pitcher ganador Johnny Rasmijn y Antonio Hassell a perde.

| Box score            | R  | H | E |
|----------------------|----|---|---|
| Marlboro Burger King | 10 | 9 | 1 |
| Old Timers           | 7  | 9 | 4 |

Despues tabatin desfile cu drumband di e 7 teamnan participante, Cantamento di Himno di Aruba door di Danilo Vrolijk cu tambe ta un deportista di BCA y hisamento di nos bandera. Y palabranan di Sra. Michelle di

Ms Canada's Charity Aruba cu ta yuda Baseball Clasico cu un para di dozijn di bala pa nos por organisa nos campeonato 2019.

Despues a sigui entrega di plakkaatnan na e 4 baluartenan di baseball Arubano den nomber di Marciano "Paus" Ruiz (ex Marlboro) , Rudolf "Malaka" Vorst (ex Brazil Lucor/Nevada) , Mariano Thiel (ex Aruba Video Center, Sta Cruz Royals y finalmente Ferdinand Flanders exWhite Label, Heineken cu por cierto ta activo ainda den Baseball Clasico (65 anja). Keep it up Ferdinand.

Promer lansamentonan a wordo haci door di Karel Cai Cai Williams presidente di ABBA y Jerry Franca presidente di ASU.

Den ultimo wega Leftovers ta gana 4-1 for di Blue Lotus Indians. Un wega rapido cu a wordo dicide den e promer 2 inningnan. Mihor batiado pa Leftovers tabata: Ryan Richardson di 3-2, Edward viotty y Carlos Croes di 2-1 cada uno.

Mihor bateadornan pa Blue Lotus tabata Mirto Boekhoudt y Neomar Rasmijn di 1-1 cada uno y Ulisses Maduro di 2-1.

Gregory Paulina a gana y Aldwin Acosta a perde.

Campeonato ta continua diasabra 30 maart 2019

10.30 am

Sputters QCP v/s New Arrival na JLBP.

1.00 pm

Salo Park v/s Old Timers na JLBP

3.30 pm

Blue Lotus Indians v/s Marlboro Burger King na JLBP

Un invitacion na e mayornan pa trece e chikitinnan y vooral esnan cu no por a wak Eugene Kingsale hunga personal yega stadion di Joe La Veist Bllpark e siman aki e lo ta activo atrobe pa 3.30 pm. Entrada ta un smile bo presencia lo ta altamente aprecia y bo lo ta contribuyendo cu Baseball di Aruba.

# Fundacion Famia Piedra Plat ta gradici Pueblo di Aruba



**NOS** evento cultural 18 di maart tawata exitoso un biaha mas. Un danki ta bay na tur e boluntarionan (64) cu a yuda haci e evento posibel. Danki tambe na Cede Aruba, casnan comercial, gruponan di baile, Cas di Musica Piedra Plat, Amy Richards pa e canto di nos Himno. Tur cu a yuda nos Fundacion haci'e evento aki posibel y exitoso. Danki y Dios bendiciona boso tur. Otro aña nos lo t'ey bek atrobe.



5 pa 12 a pasa kaba

# Alison Manuel: Rhuggenaath mester pone òrdu den gabinete!

**WILLEMSTAD.** E siman ku a pasa tabata historiko den sentido ku no un pero dos biaha un ciudadano ku dominio di materia a pone un spil tamaño olimpiko dilanti di kara di gobiernu i di komunidad.

Primeramente tabata dr. Emsley Tromp kende a dikta katedra den analisá i rekomendá ki paso gobiernu mester tuma pa pone ekonomia kana den direkshon korekto.

I di dos biaha tabata djasabra mainta den e programa 'Tribuna Popular' kaminda e veterano den ramo di servisio publiko, Alison Manuel, sin ku su lenga a trel a splika kiko ta situashon di pais i ki paso gobiernu mester tuma.

Nos ta reproduci e gran parti di su editorial radial pasobra asina e ta keda konservá pa e aktual gobiernu i futuro generashonnan.

Alison Manuel a splika ku mirando e elekshon ku tabatin na Ulanda pa eligi miembronan di Senado ulandes, pueblo a manda un mensahe bon kla ku e pueblo ulandes no ke mas imigrante i e yu di Kòrsou ta un imigrante mas na Ulanda.

No ta kuestion ora nos ke of ku Rhuggenaath ke pasobra e no por hasi otro: e generashon nobo di pueblo ulandes no ta bai sigi tolera e islanan aki.

Nos ta keda biba den Utopia i kerensha ku nos tin gas pero pa Ulanda i ulandesnan nos por bien bai kune pasobra nos mester di nan tòg komo kliente.

Alison Manuel a hasi un apelasion dramátiko riba promé minister Rhuggenaath pa kuminsa pone òrdu i respet den su gabinete mes pasobra ta inkonsebibel ku na momento ku pais ta yora bashí un grupo ta balia vallenato na Colombia.

Mientras tantu grupo di amtenar ta sinta henter dia na ABVO pa haña informashon ku hende ta pèrdiendo trabou i no tin salario fin di luna pero nos (sindikatonan) ta diskutiendo lumpsum i bonus di dertiende maand kaminda hende ta pèrdè trabou.

Alison Manuel a pinta e kuadro di hendenan ku a baha di Inselair a bai SVB pa haña un suma miserabel despues di paga belasting.

Pero aya banda ta balia vallenato na Colombia, Rhuggenaath na Panama i nos ta gastando miones na Inselair sin konta e dos mion ku banko PSB a duna i ku gobiernu tin ku paga.

E empleado publiko ta mira e kos aki pasa tur dia su dilanti i ta logiko ku e ta frustra pa ora yega serka dje pa fakansigeld i bonus no tin sèn.

Di otro banda Alison Manuel a splika ku e empleado publiko ta bon pagá tambe pero nan tin derechi.

Pero ta yega momento ku tin skohe pasobra si no tin pueblo pa haña servisio no mester di servisio publiko.

Si por paga loontrede ta esei por paga i no mas.

Di otro banda Gobiernu mes ta krea konfushon den empleado publiko mandando karta ku no por paga indexing i gobiernu.

Gobiernu mester bisti karson si ta tuma desishon i stop di basilá pa evita sindikatonan.

Ta masha fasil pa bati CFT pero ta pais Kòrsou mes a bai di akuerdo ku nan pasobra no ta for di shelu nan a kai.

Tur pais di reino tin representante den CFT, Kòrsou tambe.

Pero ta mas fasil skohe pa bati CFT.

## Registra awo!

Manda bo e-mail na [noticia@awemainta.com](mailto:noticia@awemainta.com)

## Ricibi AWEMainta tur dia den bo inbox



[www.awemainta.com](http://www.awemainta.com)



[www.facebook.com/awemainta](http://www.facebook.com/awemainta)



583-1400



583-1444

## SEHOS a paga penshonadonan 5 mion florin kaba pero falta 1%

**WILLEMSTAD.** Despues ku Komishon di Penshonadonan di SEHOS a logra ku aña pasá 28 di Desember Sehos a paga 5 mion florin repartí bou di tur esnan ku tabatin derecho riba esaki, e komishon a sigui hasi esfuerso pa logra haña mas prueba ku ta indiká ku e 1% di salarionan básiko ku a reservá pa lanta e fondo pa gastunan di malesa ta di trahadónan/penshonadonan. E akuerdo ku tin riba mesa ta pa laga korte disidi si ta trahadónan i penshonadonan ku tin un claim riba esaki mester risibi e sèn bèk for di Sehos.

E komishon a logra haña diferente prueba ku ta indiká ku e 1% ta trahadónan a hasi e kontribushon inisial pa lanta e fondo.

E pruebanan aki ta e konsepto di statuto ku notario a revisá i karta ku direktornan finansiero di SEHOS a firma e tempu ei.

Dia 26 di yanuari ultimo e komishon na CBV i e abogado a pone SEHOS na altura di e pruebanan aki. Ku esei nan a desbaratá e puntonan ku Sehos kier a mira pa por a restituí e sènnan ku nan a reservá for di 1991 te 2008.

### SETTLEMENT

Dia 12 di februari ultimo e komishon a manda karta pa SEHOS i CBV pa wak si partidonan por papia ounke ku a firma e protokòl pa bai korte. Un akuerdo pa yega na



un 'settlement' ta evitá un ruta largu den korte i eventualmente gastunan finansiero.

E komishon ta di akuerdo ku nos penshonadonan no merese pa bolbe bai warda lunanan pa por risibi nan sèn.

Pa e motibu ei e komishon a sugeri pa yega na un arreglo pa Sehos paga 75% di e debe di 14 pa 15 mion florin. I ora nan gana e kaso den korte nan lo eksigi e suma kompleto ku interes i ku SEHOS mester paga mesora. E komishon a duna SEHOS e pruebanan i a pidi nan pa papia pa yega na un 'settlement' i a duna SEHOS un siman en todo kaso e tempu apropiá pa nan por tuma nan desishon.

Pa tur sigur e komishon ta sigui traha riba e trayekto si mester bai korte.

Otro konseho di Alison Manuel:

**“No uza plaka di benta di UTS pa tapa buraku den presupuesto”**

**WILLEMSTAD.** Un terser parti dje komentario di Alison Manuel na Radio Hoyer djasabra ultimo tabata no menos importante ora ela splika ku si nos regla nos asuntunan i stop di parti plaka pa amigunan, anto ta mustra rèspèt ei fó. Pasobra nos ta kere ku kos ta malu pero ta nos komportashon ta malu danki na nos mes. Malu den sentido ku hendenan ku ta traha programa di strategia di kresementu pero ku no a bende ni un mangel den nan bida. Hendenan ku ta nan kasá ta paga awa i lus pasobra nan sa kon karu e ta.

Otro kos: Aqualectra a fia 300 mion florin pero nada a kambia na preis di awa i koriente.

Pa kolmo por a fia e plaka na Banko Sentral kaminda Korsou lo por a haña dividendo di 15 mion florin pero a bai fia serka bankonan komersial.

E problema di mentalidat di Kòrsou ta ku nos no ke kore den Toyota of Lada pero den limusin.

No tin mester di bai academia pa kompronde e realidat aki. Meskos ku nos ta bati venezolano nos no ke nan ta bin pobecha di nos bienes pero ora kos ta malu na Korsou nos ta kore bai na Ulanda lubidando ku nan a vota pa un grupo mas radikal ku Wilders.

Nos mes ta kabando ku e isla aki ora mèldu malu pero ta para bebe na snèk loke ta un robo kontra nos pais.

Overtaim ta kos struktural ta kabando ku famianan na Kòrsou ku mucha di stress pasobra mama ku tata a pèrdè trabou. Pero nos ta keda bira rònt manera nada a pasa.



# Polis a laga grupo di Venezolano eroneamente liber djasabra ultimo

**WILLEMSTAD.** Djasabra anochi outoridatnan a bolbe detené un grupo di Venezolano ku a trata na drenta Kòrsou ilegalmente.

Pa fayó di komunikashon e agentenan di gobiernu eroneamente a laga e grupo di detenido aki tambe liber.

Esaki a krea e impreshon ku Kòrsou ta duna suidada nonan Venesolano sin mas aksesó di estadia.

Esaki ta absolutamente inkorekto.

E prosedura ku ta sigui ta ku te ainda ta hiba tur detenido prison (SDDK). Einan ta hasi un investigashon hudisial minusioso, kaminda ta hasi uso di tantu listanan lokal komo internashonal (entre otro pa medio di Interpol) pa averiguá mas tantu ku ta posibel si ta trata aki di hende ku un pasado kriminal.

Tambe ta laga hasi un èksamen médiko minusioso.



Seguidamente ta detené esnan ku tin un karchi penal òf ku a kometé kualke forma di delito.

Finalmente ta akomodá esnan ku no tin un pasado kriminal den baraknan pa straño te na momentu ku surgi e posibilidat pa ekstraditá nan.

Ta laga nan bai ku òrdu pa mèldu

## No ta sera nan mas pero prosedura pa Venezolano indokumentá no a kambia

**WILLEMSTAD** – Minister di Hustisia, Sr. Quincy Girigorie a desmentí enérgikamente ku ta laga Venesolanonan indokumentá sin mas liber na Kòrsou.

Kòrsou i outoridatnan hudisial manera Wardakosta, Polis, Toelatingsorganisatie i Duana, ta sigui kontrolá rigurosamente i hasi detenshon na momentu di yegada ilegal di Venesolanonan indokumentá.

Minister di Hustisia a informá Kònsul Venesolano di e posishon aki. Siman pasá djabierne a surgi un situashon di emergencia, ora ku despues di a detené un grupo di Venesolano, a hinka 42 persona den e baraknan pa stra-

ño na SDDK den un espasio ku ta sirbi pa solamente 10 persona. Gobiernu mes ta haña ku e situashon aki ta algu completamente inhumano.

Parti dje proseso ta ku ta investiga eventual antesedente kriminal dje indokumentá.

Despues ku esaki a tuma lugá a suspendé detenshon di 28 venezolano, 21 hende hòmer i 7 hende muhé ku intenshon pa saka e personanan fo'i Kòrsou asina ku e posibilidat presentá.

Minister di Hustisia ta insisti ku ta trata aki di un desishon di emergencia.



## Ricibi Awemainta tur dia den bo Inbox

Registra awo!  
Manda bo e-mail na  
[noticia@awemainta.com](mailto:noticia@awemainta.com)



GRATIS

Ulanda ta surpasá tur otro pais

# Ku 18% den turismo di estadia Kòrsou su turismo ta sigui krese

**WILLEMSTAD** – Kòrsou su turismo ta sigui krese. Ofisina di Turismo di Kòrsou (CTB) a raportá un kresementu di dòbel sifra di 18% den kantidat di turista di estadia na febrüari 2019.

Den sifranan apsoluto ta trata di 6.372 turista mas durante e di dos luna di 2019 hibando e total na 41.145 turista di estadia kompará ku 34.773 na febrüari 2018.

Ulanda a surpasá den prestashon registrando 16% mas turista di estadia na febrüari. Total 17.277 turista di estadia a keda risibí for di e pais ku mas ta produsí pa



Kòrsou.

## ALEMANIA

Alemania tambe a sigui krese registrando 1.708 turista Aleman na febrüari 2019 un kresementu di 24% kompará ku febrüari 2018. E kresementu eksepsional for di Alemania ta direktamente relatá na airlift adishonal ku e buelo di Condor for di Frankfurt, Alemania.

## NORT AMERIKA

E esfuersonan kontinuo di merkadeo di Kòrsou na Nort Amérika dor di CTB i su partnernan ta kosechando su frutanan pa nos isla.

E kantidat di turista risibí for di Nort Amérika ta representá 27% di e total di turista ku a bishitá nos isla na febrüari.

Total 10.896 turista di estadia a keda risibí for di Estádos Unídos i Canada. Estádos Unídos a krese ku 15% miéntras Canada a registrá 19% mas turista di estadia. Tantu Estádos Unídos komo Canada ta benefisiá di e kresementu den airlift for di e buelonan adishonal ku American Airlines i Air Canada e temporada di invierno aki.

## Pa motibu di destrukshon varios barak na prizon ta den mal estado

**WILLEMSTAD.** Temporalmente tin un skarsedat di fasilidat adekuá den e baraknan na Koraalspecht. Pa motibu di destrukshon e kompartmentunan ta den mal estado.

Ku ayudo di Hulanda ta trahando na e momentunan aki pa oumentá e kapasidat di akomodashon.

Banda di esaki no tabatin buelo entre Kòrsou i Venezuela ya pa dos siman mientras ku Warda Kosta a intensi-

fiká búskeda di personanan den boto rumbo pa Kòrsou. E labor di mehorashon di e baraknan ta avansá di tal manera ku na komienso di siman benidero por kuminsá akohé atrobe mas detenido.

Pa e motibunan aki a hasi un eksepsion grandi, kaminada a base di un obligashon di mèldu a laga esnan liber ku despues di skrinmentu a resultá di no ta forma ningun klase di menasa òf estorbo pa komunidad.

Esaki na momentu ku nan por a demostrá ku nan tin lugá pa keda. Banda di esaki Gobièrnu i outoridatnan hudisial ta tratando di tur forma na remediá e posibilidat pa mas pronto ku ta posibel manda Venesolanonan indokumentá ku ta detené bèk nan pais.

Turismo ta kresiendo pero

## Uniko problema ta pa konverti porsentahenan den kupo di trabou

**WILLEMSTAD.** Sur Amérika a presta bon registrando sifranan dòbel di kresementu den kantidat di turista di estadia.

E region a krese ku 32%. Den sifranan absoluto un total di 5.434 turista di estadia a keda risibí na febrüari 2019 for di Sur Amérika. Colombia a registrá 1.609 turista di estadia kual ta un kresementu di 33%.

For di nos paisnan bisiña den Karibe un kresementu di 23% a keda registrá. Aruba a krese ku 4%.

Ta konosí ku arubianonan ta gusta biaha pa Kòrsou pa partisipá na e evento kultural musikal, Festival di Tumba. E aña aki no tabata un eksepsion. CTB a mira un kresementu den yegada di turista prosedente di Aruba rondó di e fechanan di Festival di Tumba.

**Impakto ekonómiko i kantidat di anochi pa turista** CTB i MEO ta usa e modelo 'Turistika' pa kalkulá e im-

pakto ekonómiko ku ta keda generá for di industria di turismo. Un impakto direkto di 242 mion florin a keda generá pa ekonomia lokal den e promé dos lunanan di 2019. E impakto direkto generá for di turismo ta 10% mas kompará ku e mesun periodo na aña pasá. 46% di e impakto direkto total ta generá for di bishitantenan prosedente di Europa kualnan ta responsabel pa 110 mion florin. Nort Amérika, Sur Amérika i otro regionnan a generá respektivamente 67, 37 i 27 mion florin. E kantidat total di anochi pa turista a krese ku 10% den e promé dos lunanan di 2019. Total 782 mil anochi a keda registrá.

Turistanan for di Europa a keda 497 mil anochi na Kòrsou kual ta un kresementu di 9%. Turistanan prosedente di Nort Amérika i Sur Amérika a keda un kantidat di respektivamente 161 mil i 93 mil anochi durante e promé dos lunanan di 2019.

Ata 'vlam in de pan'

## MAN ke reunion urgente riba maneho di Minister di Hustisia

**WILLEMSTAD.** Frakshon di MAN a tuma nota ku Minister di Hustisia a tuma un desishon ku personanan indokumentá for di Venezuela ku ta drenta nos pais, no ta keda detené sino ta registrá e personanan i nan por drenta nos komunidad.

E frakshon a tuma nota tambe di hopi konsternashon ku e desishon aki di Minister di Hustisia a kousa den komunidad i a trese hopi interogante.

Frakshon di MAN ta komprondé e situashon difisil ku Venezolanonan ta pasando aden den nan pais Venezu-

ela pero ke suprayá ku nos mes pais Kòrsou tambe tin su retonan sosial, ekonómiko i finansiero ku ta meresé tur atenshon di Gobièrnu.

Den e kuadro aki frakshon di MAN a manda un karta pa presidente di parlamento den kual ta urgi'e pa konvoká un reunion di komishon sentral ku karakter di urgensia pa deliberá ku promé minister, minister di Desarojo Sosial i Minister di Hustisia riba e tópiko.

Den e karta tambe a hasi petishon pa mando di Kuerpo Polisial i Servisio di Atmishon ta presente.



**Sintonisa tur merdia e duo di periodista  
Alexa Werleman y Victor (Toko) Winklaar  
Den Noticia na G-FM 99.9**

**Di dialuna pa diabierna  
cu noticia sin miedo**



# Royal Aurora

Funeral Home & Crematory

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu honda pena pero conforme cu boluntad di Dios, nos ta anuncia fayecimento inesperadamente di nos yiu, ruman y omo stima



## Neal Howard Anthony Wester

Cariñosamente yama:  
"Neal, Evil Joker 69, Momoneal, Chavo"  
\*23-11-1988 - †19-03-2019

Na number di su:  
Mayoman: Henry Piëtro y Maria Ignes Wester-Dirksen  
Ruman stima: Visiana (Chichi) Wester

Unico sobrino stima manera yiu:  
Quillan Inocencia

Prometida stima: Theresita B. Tromp  
Big brother: Elton Henriquez  
Small sis: Janeska (Nekka) Giron  
Amigo stima: Luwshjden (Lulu) Cruz

Welo y wela: Sr Basilio (Bas) Wester y  
Ruperta (Betty) Wester-Maduro

Tanta y omonan:  
Victor y Ines Dirksen y familia  
Linda Dirksen y familia  
Stella y Augusto Geerman y familia  
Olivia y Michael Willems y familia  
Rudolfo (Rudy) Wester  
Cindo (Ando) Wester y yiuinan  
Jahaira Caster y familia  
Tanta y omonan grandi

Dos ihanan: Myloanne Caster, Quillan Inocencia

Padrino y Madrina:  
Victor Dirksen  
Linda Dirksen  
Enrique y Carolina Saint Pasteur  
Julian Boekhoudt  
Prima y primonan  
Amigonan di cas: Danny, Does  
Coleganan di Access Security

Famia: Wester, Dirksen, Inocencia, Tromp, Koolman,  
Maduro, Dubero, Caster, Werleman, Geerman, Willems,  
Gomez, Henriquez, Boekhoudt, Mejia, Richardson,  
Figaroa, Thiel, Kock, Winklaar, Arends, Hernandis

Acto di entierro ta tuma lugar diaranson 27 di maart  
2019. Neal lo ta reposa na misa Inmaculada Concep-  
cion na Sta. Cruz di 1'or pa 4'or pm. Despues di misa e  
acto di cremación lo ta den seno familiar.


Lo tin un box disponibel pa un bon causa enbes di flor of  
krans. Nos kier a pidi disculpa si por a lubida un of otro  
familia den nos tristesa. Preferibel bisti alegre manera  
Neal tabata.  
Despues di entierro no ta ricibi bishita di condolencia na  
cas.

# Royal Aurora

Funeral Home & Crematory

Haña mi falta, pero laga mi bai.  
Ma jega na final di e caminda  
Solo a baha pami.  
Mi no ke pa ningun hende yorami.  
No yora un alma cu ta liber,  
Sinti mi falta, pero no pa hopi largo.  
No desespera!  
Recorda e amor cu nos a comparti.  
Haña mi falta, pero lagami bai.

A fayece Cristianamente, nos mama,  
wela y bisawela stima:



## Sra. Vda. Maria Figaroa-Farro

Mihor conoci como "Wiwi"  
\*12-12-1931 - †24-03-2019

Na number di su:  
Yiunan: Elca Figaroa y yiuinan  
Emanuel Figaroa na Hulanda  
Francisco y Altagracia Figaroa y familia  
Ayreen Figaroa y familia  
Rudolfo Figaroa  
Caroline Figaroa y familia

Nieto- y nietanan:  
Jurgen  
Orestes  
Aiseline  
Aishenu  
Alexander  
Merelitz  
Jeanylitz  
Emyline  
Miliane

Rumannan:  
Tomas Farro  
Sra. Vda. Petra de Jongh y familia  
Sra. Vda. Felepina Tromp y familia

Sobrina- y sobrinonan.

Sobrino stima: Daniel Farro y familia

Demas familia: Figaroa, Sprok, Stede, de Jongh, Tromp,  
Matos, Krosendijk, Franken, Weiher, Wester, Dubero,  
Farro

Ta invita pa acto di condolencia y despedida cual lo  
tuma lugar na Aurora Funeral Home diahuebs 28 di  
maart 2019 di 9'or pa 11'or di mainta. Cremacion lo  
tuma lugar despues den ceno familiar.

Disculpa nos si den nos tristesa nos por a lubida algun  
familia of conocir.

# Royal Aurora

Funeral Home & Crematory

"Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por stens di loke Señor ta hasi"  
Salmo 33

Cu hopi tristesa y cu dolor den nos curason y agrade-  
cido pa tur loke ela hasi pa nos, nos ta anuncia fayeci-  
mento di mi casa, nos tata y welo stima:



## Sr. Juancito Bregita

\*08-03-1934 - †22-03-2019

Na number disu:  
Casa:  
Anne Bregita-Allaries

Yiunan:  
Emil y Monique Bregita  
Barbara y Alex Nieuwmeyer-Bregita  
Mayra Paesch

Nieto- y nietanan:  
Stefanie, Niels, Zoey, Muzette

Rumannan:  
†Carmen Pardo y familia  
†Jani y †Maria Bregita y familia  
†Mina y †Rudy Dijk y familia  
Luis Bertrand Bregita y familia  
Nelly y Raymond Richardson y familia

Sobrino- y sobrinanan na Aruba y Hulanda.  
Primo- y prmanan na Aruba, Curaçao y Hulanda.  
Cuña- y Swanen.

Demas familia y amigonan:  
Bregita, Allaries, Nieuwmeyer, Booy, de Jong, van Kooy,  
Biersteker, Farro, Paesch, Richardson, MacJannet,  
Tromp, Dreischor, Pardo, Quandus, Dijk y demas familia  
na Aruba, Curaçao, New Zealand, Hulanda, USA,  
Australia.

Ta invita pa acto di entierro cual lo tuma lugar na Misa Sta  
Anna na Noord Diaranson 27 di maart 2019 di 9'or pa  
11'or di mainta. Despues lo sali pa Santana Catolico na  
Noord.

Condolencia lo tuma lugar na Aurora Funeral Home  
diamars 26 di maart 2019 di 7'or pa 9'or di anochi.

Disculpa nos si den nos tristesa nos pr a lubida algun  
familia of conocir.



# AWEMainta

Online [www.awemainta.com](http://www.awemainta.com)

# Royal Aurora

Funeral Home & Crematory

## Gradicimento y Invitacion

Pa medio di esaki famia Quandus-Gavidia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos defunto stima:



### Ana Bartola Quandus-Gavidia

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Boso muestra di atenshon tabata un gran Consuelo pa nos.

Na mes momento nos ta invita famia, bisiaña-, amigo- y conociman pa compana nos na dos Santo Sacrificio di misa na Misa Sta Anna na Noord, diaranson 27 di maart 2019 pa 7or di anochi diabierna 29 di maart 2019 pa 7'or di anochi

Boso presencia ta altamente aprecia.

# Royal Aurora

Funeral Home & Crematory

"Bou di alanan di Dios mi ta sigur"

Abo ku ta biba bou di amparo di Altisimo, ta hospeda den sombra di Dios Omnipotente, bisa Señor:  
"Mi refugio, mi forti, mi Dios, den kende mi ta pone mi konfiansa"  
Salmo 91:1-2

Cu dolor na nos curason nos kier anuncia fayecimento di nos difunto stima:



### Arthur Richard Dijkhoff

Mihor conoci como "Tuyo"  
\*27-01-1961 - †24-03-2019

Acto di entiero lo wordo anuncia despues

# Royal Aurora

Funeral Home & Crematory

"No lamenta mi morto, pero alegre boso di e forma cu mi a biba.

Recorda mi, pero no den mi dianan di dolor y tristesa. Recordami den e tempo bon y felis den cual ainda mi por a hasi tur cos"

Cu hopi tristesa nos ta participa fayecimento Cristianamente na Hulanda di mi inolvidable esposo, nos tata, atento y dedica na su yuinan, su nieto(a)nan y biesnieto y ruman:



### Rufo J. Henriquez

\*18-12-1943 - †22-03-2019

Lo anuncia fecha di acto di condolencia y entiero despues

"Hopi recuerdonan bunita ta suavisa nos tristesa"

# Royal Aurora

Funeral Home & Crematory

## Gradicimento y Invitacion

Den number di mayor Maria Fawcett-Caster y esposo Antonio Fawcett. Rumannan: Marieanne & Edric y famia, Marjetie & Kevin y famia & demas famianan, ta gradici tur e sostennan ricibi den un of otro manera durante e dianan dificil cu a pasa y te cu awo cu fayecimento di:



### Ferdinand Samuel Jonathan Hsing

Cariñosamente yama " Ferdi, Fercho, Fe of Fechi"

Nos kier a gradici:  
Na tur su coleganan di RBC  
Ex coleganan di Flexo, Elmar y AZV  
Ex coleganan di UNA Curacao  
Estrella LIFIDA  
Edmond Croes y famia  
Koor Vlam di Amor (Evelina & Eric Rincones)

Na mesun momento nos ta invita pa tres Santo Sacrificio di Misa na Misa Imaculada Concepcion Santa Cruz pa 7or pm. Cual lo tuma luga: diamars 26 maart, diahuebs 28 maart, y diasabra 30 maart 2019. Despues di misa dia 30 maart lo tin Santo Rosario na cas (Jamanota 5).

## Servicio pa Comunidad



### Emergencia

Brandweer ..... 911  
Polis ..... 100  
Polis Oranjestad ..... 102  
Polis San Nicolas ..... 104  
Polis Santa Cruz ..... 105  
Polis Shaba ..... 107  
Polis Tipline ..... 11141

Ambulance San Nicolas ..... 584-5050  
Ambulance Sasaki ..... 582-5573  
Ambulance Wayaca ..... 582-1234

Hospital ..... 527-4000  
Centro Medico San Nicolas . 524-8833  
SVB (AO-Ziekmelding) ..... 527-2782

### Servicionan

ELMAR Storingdienst ..... 523-7147  
SETAR Storingdienst ..... 117  
Digicel ..... 145  
WEB Storingdienst ..... 525-4600  
Reina Beatrix Int'l Airport ..... 524-2424  
Serlimar ..... 584-5080  
Arugas ..... 585-1198  
Guarda Costa ..... 913

### Funeraria

AD Patres ..... 584-2299  
Aurora ..... 588-6699  
The Olive Tree ..... 582-0000

### Fundacion

Rode Kruis Aruba ..... 582-2219  
FADA ..... 583-2999  
Fundacion Respeta Mi ..... 582-4433  
Fundacion Guia Mi ..... 587-1677  
Muhe den Dificultad ..... 583-5400  
Telefon pa Hubentud ..... 131  
Centro Kibrahacha ..... 588-3131  
Stichting Bloedbank ..... 587-0002  
Mary Joan Foundation ..... 588-9999  
Koningin Wilhemina Fonds ... 582-0412  
Fundacion Pa Nos Muchanan.. 583-4247

### Cas Editorial



### The Media Group

Margrietstraat #3  
Oranjestad, Aruba  
Tel: 583-1400 Fax: 583-1444

### Orario di Oficina

Dialuna - Diabierna  
8am - 5pm

Cuenta di Banco  
CMB #22982600

### E-mail

Redaccion: noticia@awemainta.com  
Aviso: aviso@awemainta.com

Subscribi na: notica@awemainta.com


### Director

Victor "Toko" Winklaar  
Victor R. Winklaar



# AWEMainta

E unico corant GRATIS



## Abona awo

Manda un e-mail na:

[Noticia@awemainta.com](mailto:Noticia@awemainta.com)

y skirbi e palabranan: *"Ami Kier Abona"*

---

## Like nos riba facebook

Keda "up to date" y like nos riba facebook  
[www.facebook.com/awemainta](http://www.facebook.com/awemainta)



---

## Subi riba nos website

[www.awemainta.com](http://www.awemainta.com)

---

AWEMainta completamente

# DIGITAL